



UNIVERSITÄTS-  
BIBLIOTHEK  
PADERBORN

**Claudii Fleurii Abbatis Historia Ecclesiastica**

Ab Anno Christi 1230. Usque Ad Annum 1248

**Fleury, Claude**

**August. Vind. [u.a.], 1764**

**VD18 90118049**

§. 39. Richardus Cornubiæ Comes in Palæstina.

---

[urn:nbn:de:hbz:466:1-66268](#)

dit, quod jam nemini plura beneficia posside-  
re liceat.

Sæcul. XIII.  
A. C. 1240.

Hæc pensio augeret offensionem, in quam Romana incurrit Ecclesia. Palam enim ajunt: Similes exactiones jam alias factæ sunt. Extortis vero pecuniis exhausto Cle-ro, mox pacem confecerunt Papa & Imperator: nec obolus tamen est redditus: immo siquid solvendum supererat, eodem rigore exigebatur. Præterea plerique Christianorum ad militiam sacram voto adstricti sunt, quod vel per se vel per alios exequi a Papa coguntur: nequeunt autem hanc simul pensionem exsolvere, a qua immunes sunt, tanquam milites sacri per triennium suis proventibus integris fruendi copiam consecuti. Legatus cum consiliariis suis tantam Episcoporum, Curionumque constantiam videns, eos dividere statuit, ac Regi facile id persuasit: illius comites sìgillatim Episcopos & Archidiaconos allocuti, maximarum spe dignitatum lactatos plerosque adduxerunt, ut in pensionem consentirent.

p. 479.

### §. XXXIX.

#### *Richardus Cornubiæ Comes in Palæstina.*

Interim Richardus Cornubiæ Comes An- Matth. Par.  
glorum Regis frater, inter festos dies p. 479.  
Ascensionis Domini ac Pentecostes, scili-  
cet

**Sæcul. XIII.** cet sub finem Maji Londinum venit, Re-  
**A.C. 1240.** geque ac Proceribus valere jussis, con-  
 scensa Dorobernii nave Galliam præter-  
 vectus Provinciam attigit. Fanum San-  
 cti Ægydii delato Legatus quidam &  
 Archiepiscopus Arelatenfis suadebant,  
 immo prohibebant, ne Terram sanctam  
 peteret. Miratus simul & indignatus  
 Comes, Quæ mihi, ajebat, Papæ nomine  
 dicebantur, bona fide credens, omnia paravi  
 & nunc in ipso itineris ineundi articulo Pa-  
 pa, qui verbis suis nunquam non flenti  
 fertur, Christi cultum promovere me ut-  
 tat. Nec inhiberi se sermonibus Lega-  
 torum passus, Massiliæ secunda Septem-  
 bris hebdomade navigio se commisit,  
 postquam ad Imperatorem Nuncios lega-  
 verat, qui eum de Papæ inconstantia e-  
 docerent.

*Id. p. 486.  
p. 504.*

*Id. p. 474.  
Sanut. p. 215  
p. 15.*

*Gesta  
S. Lud.  
c. 334.*

In pervigilio S. Dionysii nempe 8 O-  
 ctobris Ptolemaidis portum ingressus, eo  
 majore gaudio excipiebatur, quo pejore-  
 rat Christianorum in Palæstina conditio.  
 Petrus Britanniæ Comes, qui anno prio-  
 re illuc advenerat, in propinquos Damas-  
 co agros impetu dato, opimam ad exer-  
 citum prædam advehens, reliquorum Pro-  
 cerum invidiam subiit. Octiduo post Dux  
 Burgundiæ, Comites Barenfis ac Mont-  
 fortius & quam plurimi socii Comite Bri-  
 tanniæ in consilium non adhibito alias  
 fecerunt excursionem. Sed in ea Co-

mes

mes Barenfis cum magno aliorum Pro-Sæcul.XIII.  
cerum numero cæsus, Amalaricus Mont- A.C. 1240.  
fortius captus & Babylonem Ægypti si-  
ve Cairum ductus, Dux Burgundiæ fuga  
sibi consulere coactus est: clades prope  
Gazam contigit.

Hic tristis eventus Imperatori novas *Matth. Par.*  
contra Papam querimonias jactandi oc- *ibid.*  
cationem præbuit; ut appareat ex litte-  
ris, quas hac super re ad Regem Angliæ  
affinem suum Foveæ in Regno suo 25 A-  
prilis an. 1240 scripsit in hanc senten-  
tiam: *Crucesignatos magnopere exhortati  
sumus, ut iter different suum, donec ducem  
suum agere nobis per Italiam res liceret.*  
*Et vero morem gesturi erant; sed Papa ma-  
lam in partem nostra detorquens verba, eos  
ad iter urgere non destitit, quidquid op-  
poneremus.* Etenim præmaturæ festinatio-  
nis discriminis, & milites sacros unicum sub  
caput colligendi necessitatem illi ob oculos  
ponebamus. Omnibus his rationibus con-  
temptis Papa Cruce signatis vehementius,  
quam antea, inflabat, non considerans, si in-  
ducias nos inter ac ethnicos factas viola-  
verint, Christianorum trans mare versantium  
reliquias ferro aut fame pereundi periculo  
expositum iri. Concludit epistolam spon-  
dendo, se Terræ sanctæ laturum suppe-  
tias, quantascunque mittendo par sit fu-  
turus tam turbulentis temporibus.

Richardi

**Sæcul. XIII.****A. C. 1240.****Matth. Par.****p. 486.****Id. an. 1241.****p. 534.**

Richardi Cornubiæ Comitis adven-  
tus erexit animos illa strage perculfos.  
Tertio post die, quam advenerat, Ptole-  
maide edici jussit, ne quis e Christianis  
peregrinis ob inopiam discederet: se fuis  
eos sumptibus aliturum, si utilem præsta-  
rent operam. Rex Navarræ ac senior  
Britanniæ Comes de adventu ejus cer-  
tiores facti quindecim abhinc diebus cum  
magna militum sacrorum multitudine  
abierant, postquam cum Nazerio Cara-  
censi Dynasta tolerabiles erant inducias  
pacti, ne nihil egisse viderentur. Verum  
ante condictam pro executione diem mi-  
graverant. Comes Richardus, cum quen-  
dam ad Nazerium misisset, inducias ex  
arbitrio ejus non pendere audiit. Sed  
Joppen usque progressus, ab Ægypti Sul-  
tano nuncium accepit, Domini sui nomi-  
ne inducias offerentem. Consensit proin  
ex consilio Ducis Burgundiæ, Comitis  
Gualterii, Præfecti Domus hospitalis, ac  
cæterorum Nobilium: atque initæ sunt  
induciæ ea lege, ut Christianis Proceres  
in clade ad Gazam capti, & loca multa  
redderentur, eaque durantibus induciis  
muniendi libertas esset. Richardus illis  
in locis hyemem egit, ab Ægypti Sultano  
responsum opperiens, cui pactiones jure  
jurando firmandas miserat.

§. XL